

Meka: Modeli Časnog hrama Kjabe i Poslanikove džamije predstavljeni na izložbi

Autor Čehajić Sabahudin

Ponedjeljak, 12 Mart 2012 17:09 - Ažurirano Ponedjeljak, 12 Mart 2012 17:17

Kako prenosi Saudi Press Agency, trodimenzionalne makete dva harema koje prikazuju budući izgled Harema u Mekki i Poslanikove džamije u Medini nakon okončanja planiranih radova u narednom periodu su predstavljene na "Izložbi Dva sveta hrama" u neposrednoj blizini starog puta između Meke i Džede, u blizini fabrike u kojoj se proizvodi Kisva (Kjabski pokrivač)

Makete prikazuju posljednje rekonstrukcijske projekte kao što su proširenje prostora između Safe i Merve i projekt proširenja dvorišta oko Kabe.

"Obje replike imaju finu rasvjetu koja prelijepo oslikava duhovno okruženje svetih građevina. Još jedan sadržaj izložbe je i to da su postavljeni ekrani na kojima je prikazana historija gradnje ova dvije džamije u proteklom vremenu, kao i slajdovi koji prikazuju različite faze proširenja džamija", navodi Mohsen Al Sulami, direktor izložbe.

Izložba naglašava važne arhitektonske detalje ovih građevina, od perioda Umejevića pa sve do danas. Tu su i brojni kaligrafski eksponati vezani za historiju islama.

Predstavljeni su rijetki primjerci Kur'ana, rukopisa, rukotvorina i fotografija koji na jedinstven način prikazuju duh prošlog vremena.

Izvor: ARAB NEWS



Model Dva sveta harema (Fotografija preuzeta od SPA)